

人心小測

一問一答 人人心理有數
接過忠言提議 向迷茫說不

請根據你的實際情況，從每題三項之中選擇適合答案，將各題得分相加，並統計總分以歸類出你的性格類型。

1. 去戲院嘅時候，你通常會：

- A. 一早已揀好睇邊齣戲
- B. 打電話問吓朋友嘅意見，叫佢哋介紹吓邊齣戲好睇
- C. 總係由其他人嚟決定睇咩戲

2. 到外國旅行，你比較喜歡到：

- A. 非洲熱帶雨林探險
- B. 日本瘋狂購物
- C. 法國參觀美術館

3. 要過馬路嗰陣，見到綠燈閃吓閃吓，你會：

- A. 如果冇警察，就不顧交通安全衝過去
- B. 等下一個綠燈先過對面馬路
- C. 睇吓冇冇人亂過馬路，有嘅話就跟住佢衝過對面

4. 你上星期應承咗屋企人今晚會返屋企食飯，但係你班朋友啱啱打電話嚟想約你今晚唱K，你會：

- A. 問吓屋企人可唔可以改時間或改日子
- B. 同朋友去唱K，因為好難先約得齊人
- C. 拒絕班朋友嘅邀請同屋企人食飯

5. 你今日著咗一件你好鍾意嘅衫，大家都讚你有品味，你會：

- A. 不喜歡大家嘅抬舉
- B. 覺得只係大家俾面讚賞啫
- C. 沾沾自喜，沉醉喺大家嘅讚賞當中

6. 當想去街嘅時候，你比較鍾意：

- A. 約埋兩三個朋友出去，希望大家畀買嘢嗰陣可以幫吓眼
- B. 一個人自己出去：想去邊，想買咩，自己話事
- C. 鍾意約一大班人出嚟，行去邊都冇所謂

人心小測

7. 你經常覺得每日嘅生活係：

- A. 充滿希望
- B. 十分沉悶
- C. 非常沮喪

8. 你會唔鍾意你嘅朋友，如果佢：

- A. 自己有煩惱，又唔同大家分享
- B. 成日盲目聽其他人嘅意見，冇啲性格
- C. 竟然唔聽你嘅意見

9. 你喺街度見到有班人排緊隊，你會：

- A. 行去問吓佢地做乜排隊
- B. 唔理佢哋，繼續自己行
- C. 即刻排埋一份

10. 如果有人批評你嘅性格，你會：

- A. 唔會在意人哋嘅睇法，因為只係佢哋唔了解自己啫
- B. 有啲在意，會反省吓自己係咪真係有問題
- C. 非常在意，會不停咁諗返佢哋嘅評語，仲覺得好困擾

11. 你同朋友出街食飯，會點樣嗌餸呢？

- A. 唔理其他人，淨係點自己鍾意食嘅餸
- B. 見到人地叫乜，又跟住叫乜
- C. 先提出自己想食乜嘢，然後再睇睇其他人嘅選擇而作改動

12. 你等巴士等咗好耐，但架車仲未嚟，你會選擇：

- A. 決定搭其他車
- B. 雖然等咗好耐，但係都會堅持等落去
- C. 見到好多等車嘅人都走晒，你都決定唔等喇

13. 偶像推出新嘅唱片，你會：

- A. 即刻去CD舖買嗰隻唱片
- B. 睇吓樂評人啲評論，如果佢哋話唔好聽你就唔會買
- C. 聽吓偶像嘅訪問，了解吓呢隻唱片嘅資料先

14. 你喺街度見到有部電話喺地上，你會：

- A. 偷偷放入自己嘅袋
- B. 打開電話，睇吓入面藏有乜嘢文件
- C. 立即交畀警察

15. 瞓覺發夢嘅時候，見到細個嗰陣同你最好嘅朋友仔，你哋係度打緊韃鞦，你希望嘅畫面係？

- A. 你坐喺欄杆上同打緊韃鞦嘅朋友仔傾計
- B. 兩個人各自坐喺兩個韃鞦上面
- C. 兩個人一齊坐喺同一個韃鞦上面

16. 你去醫院探望你嘅朋友，護士同你講探病時間已過，你會：

- A. 趁護士唔為意嘅時候，偷偷入病房探望你嘅朋友
- B. 離開，聽日再嚟
- C. 向護士求情，希望佢通融下，畀你好快咁入去睇睇你嘅朋友

17. 你傷心嘅時候會：

- A. 同朋友或屋企人分享
- B. 一個人對住個海大嗌發洩
- C. 約朋友去Party飲酒玩樂

18. 你喺遊樂場發現有一座又新又刺激嘅機動遊戲落成咗，但冇人敢玩，你會：

- A. 冇人敢玩咁刺激，即刻去玩
- B. 觀察吓機動遊戲嘅操作，估計吓安唔安全先至玩
- C. 太刺激喇，唔敢玩

19. 深夜時分，你見到有一班年青人喺公園裡面破壞公物，你會：

- A. 立即喝止佢哋
- B. 到安全嘅地方報警
- C. 唔想惹事，即刻離開公園

20. 獨自去到陌生嘅場合，你會感到：

- A. 好寂寞；覺得只有自己一個
- B. 好害怕；有陌生人會向你談話
- C. 好高興有機會結識新朋友

計分方法

題目	A	B	C
01	0	2	3
02	3	2	0
03	3	0	2
04	2	3	0
05	0	2	3
06	2	0	3
07	0	2	3
08	2	0	3
09	2	0	3
10	0	2	3
11	2	3	0
12	0	2	3
13	0	3	2
14	3	2	0
15	0	2	3
16	3	0	2
17	0	2	3
18	3	2	0
19	0	2	3
20	0	2	3

分析

0至20分：A型的人

你係一個有自信嘅人。做事有自己嘅方式，唔輕易受人影響，亦係一個經得起誘惑考驗嘅人。你定力十足，相信如果有人慫恿你吸食毒品，你亦能夠向毒品說不。但由於你係一個獨行獨斷嘅人，所以若果你真係接觸咗毒品或染上其他不良嗜好嘅時候，你就可能唔聽旁人嘅勸告，繼續沉淪落去。有時都要聽吓一啲真正關心你嘅人嘅意見，例如你嘅家人、老師或社工！

21至39分：B型的人

你係一個感性、着重友情，亦係一個冇乜主見嘅人；所以要慫恿你嘅話，首先要同你打好關係、拉攏你嘅心，因為你係個睇情面做事嘅人。如果對方係你信賴嘅人，你就好容易受佢嘅影響。加上你好奇心強，只要對方多下啲功夫，耳仔軟嘅你就會被對方慫恿，而改變自己原來嘅想法。你應該好好認識毒品嘅禍害，以免你受身邊嘅人影響，因一時嘅好奇心而接觸毒品。

40至60分：C型的人

你係個怕悶、喜歡追求刺激、愛出風頭嘅人，亦好介意其他人對你嘅睇法。性格較為任性亦容易受情緒支配。你會衝動地做出錯誤嘅決定，甚至亦容易受人煽動，而去慫恿其他人。奉勸你喺做任何決定之前，都係要三思而後行。尤其面對毒品嘅時候，請緊記「不可一、不可再」，向毒品說不！